



Republika e Kosovës
Republika Kosova-Republic of Kosovo
Komuna e Prishtinës
Pristina Obstina-Municipality of Pristina



SEKTORI I PROKURIMIT - KABINETI I KRYETARIT

Bazuar në nenin 108/A paragrafi 10 nënparagrafi 10.2 të Ligjit nr. 04/L-042 për Prokurimin Publik lidhur me nenin 60 të Ligjit nr. 05/L-068 për ndryshimin dhe plotësimin e Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin nr. 04/L-237 dhe me ligjin nr. 05/L-092, si dhe duke u bazuar në nenin 61.3. lidhur me nenin 62 paragrafi 62.1 nënparagrafi d) si dhe nenin 63 paragrafi 63.1 nënparagrafi 63.1.1 të Rregullores (A01) nr. 001/2022 për Prokurimin Publik, duke vendosur sipas kërkesës për rishqyrtim të operatorit ekonomik "Exim Jatex shpk" të datës 25.06.2025 kundër njoftimit mbi vendimin lidhur me aktivitetin e prokurimit me titull "Furnizim me uniforma për QMU-së Lot 1 dhe Furnizim me uniforma për punonjësit e QKMF-së Lot 2 Ritender" me nr. të prokurimit 616-25-3456-1-2-1, Komuna e Prishtinës (autoriteti kontraktues) përmes ZPP nxjerr këtë:

V E N D I M

- I. **REFUZOHET** kërkesa për rishqyrtim e operatorit ekonomik "Exim Jatex shpk" të datës 25.06.2025 kundër njoftimit mbi vendimin lidhur me aktivitetin e prokurimit me titull "Furnizim me uniforma për QMU-së Lot 1 dhe Furnizim me uniforma për punonjësit e QKMF-së Lot 2 Ritender" me nr. të prokurimit 616-25-3456-1-2-1.
- II. **AUTORIZOHET** autoriteti kontraktues - Komuna e Prishtinës që të vazhdoj me aktivitetin e prokurimit të përcaktuar si në pikën I të këtij vendimi.
- III. **NJOFTOHEN** palët e interesuara lidhur me këtë vendim përmes publikimit në platformën elektronike E-Prokurimi në adresën <https://e-prokurimi.rks-gov.net>.
- IV. Vendimi hyn në fuqi në ditën e nënshkrimit.

Arsyetim

Operatori ekonomik "Exim Jatex shpk" (tutje "parashtruesi") me datë 25.06.2025 ka paraqitur kërkesë për rishqyrtim kundër njoftimit mbi vendimin lidhur me aktivitetin e prokurimit me titull "Furnizim me uniforma për QMU-së Lot 1 dhe Furnizim me uniforma për punonjësit e QKMF-së Lot 2 Ritender" me nr. të prok. 616-25-3456-1-2-1.

Gjatë shqyrtimit paraprak të kërkesës për rishqyrtim të parashtruesit është gjetur se kërkesa është e lejuar dhe është parashtruar brenda afatit nga personi i autorizuar si dhe nuk ekzistojnë pengesa tjera për të shqyrtuar kërkesën e parashtruesit. Në këtë mënyrë janë plotësuar kushtet për të vazhduar me shqyrtimin merit (in meritum) të kërkesës.

3. Jelek-

-Jeleku duhet te kete xhep per vendosjen e radios ne anen e majte te krahorit me fartes 13-15 cm me nje pjese me rrete per degjimin e radios - ndersa operatori i propozuar per kete lot nuk ka xhep per vendosje te radios as rjeten per degjimin e radios.

-Jeleku duhet te kete dy shiritat vertikale reflektiv me gjeresi 4-6 cm qe nisen nga pjesa e perparme - shiritat vertikale ne pjesen e perparme nuk ka.

-Ngjyre e kuqe - ndersa operatori i propozuar per kete lot ka jelekun me ngjyre te portokalli.

Lidhur me pretendimet ankimore fillimisht duhet sqaruar se sipas letrës standarde për tenderuesin e eliminuar, parashtruesi është shpallur si tenderues i papërgjegjshëm dhe është eliminuar nga aktiviteti i prokurimit për arsyet si në vijim:

ARSYETIM

Tenderi uaaj është refuzuar për këto arsye për LOT I:

Pas shqyrtimit dhe krahasimit të ofertës së EXIM JATEX SH.P.K., komisioni ka konstatuar OE për këtë aktivitet ka ofertuar në dy lotet, në pjesën administrative është i përgjegjshëm vetëm për lotin 2 sepse gjatë vlerësimit të Kapacitetit teknik dhe profesional : 1.Operatori Ekonomik duhet të ofrojë dëshmi se ka përfunduar me sukses kontrata të natyrës së njëjta apo të ngjashme gjatë 3 (tri) viteve të fundit (nga data e publikimit të njoftimit për kontratë) jo më pak se 75,000.00 €, OE nuk ka ofruar dëshmi të mjaftueshme Një listë në të kontratave të përfunduara për furnizim të ngjashme të realizuara në periudhën e shkruar tri vjeçare (24.04.2022 – 24.04.2025).

Mmostro OE ne ofertën e tij nuk i përmbush kërkesat e AK-ë sipas aneksit 1 te dosjes se tenderit sepse për LOT I:

Këpucët nuk duhet të përmbajnë asnjë pjesë metalike.

Secila palë e këpucëve në kuti duhet të ketë një broshurë e cila përmban informacionet për përshtatje në mbathje, udhëzimet e mirëmbajtjes, informatat për standardet, deponim, dhe përkrahjet tjera. Materiali i jashtëm: Tekstil i kombinuar me mikrofibra të papërshkueshëm nga uji, me ajrosje. Pjesa e brendshme duhet të jetë nga materiali 3 shtresor, i laminuar, i papërshkueshëm nga uji dhe shumë e përshkueshme nga ajri. Rezistente ndaj abrazionit me rehati optimale klimatike, fleksibile për përdorim të brendshëm dhe të jashtëm. Astari Astari duhet të jetë me material tre shtresor të laminuar të papërshkueshëm nga uji, me të ngjitur në mënyrë të përhershme, rezistenca në gërryerje konsumuarit, dhe materiali fibrik i pa thurur. Ky material duhet të jetë shumë i përshkueshëm nga ajri i cili nxjerr çdo

lagështi të brendshme. Mburoja e këpucëve me tharje të shpejtë thith djersën dhe siguron një efekt anti-bakterial. Kjo do të thotë që nuk mund të lindin erëra të pakëndshme.

Shtresa 1 shtresa e jashtme përthur e thurur, Shtresa 2 membrane bi komponent bazuar në ePTFE , Shtresa 3 tekstil 100% e thurur, Fortësi kundër gërryerjes,(Në përputhje me EN ISO 20344, seksioni 6.12):.Ne thatësi : ≥ 100,000 cikle

Ne lagështi: ≥ 50.000 cikle,Përshkueshmëria e avujve e ujit (WVP): ≥ 10 mg/cm²xh , Rezistenca ndaj depërtimit të ujit: ≥ 2000 mbars,Shtresa e jashtme (sholla),Shtresa e jashtme (sholla) e qëndrueshme e bërë nga një përzierje me cilësi të lartë gome. E bërë nga goma, rezistente ndaj vajit, benzines, nxehtësisë dhe të ftohtësisë sipas standardeve ndërkombëtare EN ISO 20347:2012. Për të mos rrëshqitur, shok-absorbuese shtresa e jashtme (sholla) gome me mbrojtëse në çarje.

Shtresa e poshtme duhet të jetë gomë e fortë e qëndrueshme dhe të ketë veti të mira kundër rrëshqitjes, duhet të ketë edhe shtresën dy dhe shtresën tre që janë me material PU direkt të injektuar. Shtresa dy shërben për amortizim sa më të mirë për këmbë dhe shtresa tre për lidhje sa më të mirë me pjesën e sipërme. Gomë me rezistencë të lartë ndaj gërryerjes e cila duhet të garantojë funksionalitetet e mëposhtme: a) Vetë të larta për largimin e lagështisë në zonën e gishtërinjve dhe thembrave, b) Kthim të lartë të energjisë dhe mbështetjes së këmbës, c) Izolim i mirë ndaj nxehtësisë dhe të ftohtësisë, d) Vetë optimale të ecjes dhe rrotullimit, Shtroja e brendshme, E rehatshme, qetësues rezistues i lagështisë antibakterial mund të lahet në 30 °C, formë të veçantë në thembra për mbështetje të mirë të këmbës.

Shkumë PUR-të e laminuar me shtresë ajrosëse poliestër, rezistues ndaj lagështisë, me mbështjellës shumë të mirë në futje të këmbës brenda. Rezistencë ndaj gërryerjes, materiali i sipërm duhet të përballojë më shumë se 200.000 cikle në test të thatë dhe 50.000 cikle në test të lagësht sipas DIN EN ISO 12947 - 2/ EN ISO 20347.

Fitingu, lidhëset

Sistemi i avancuar të lidhësve të ketë vend të veçantë për vendosjen e lidhësve në gjuhë. Lidhëse të rrumbullakëta, rezistues të ujit, e bërë nga poliestër diametri (Ø): 2.5 - 4 mm. Gjatësia e përshtatshme për modelin. Ngjyra e zezë.

Vendi për lidhëset duhet të jetë me unaza plastike, pa metal. 3 palë unaza për shtrëngim për këpucë, unazë ovale afër gjuhës së këpucëve 1 palë për këpucë, 1 pjesë plastike për shtrëngim të shpejtë, 1 konektor për lidhëse të këpucëve.

Standardet për tërë këpucën sipas EN ISO 20347, Rezistenca ndaj kontaktit në nxehtësi: HRO, Izolimi i nxehtësisë (ritja e temperaturës) HI, Izoluesi i ftohtë C1, Rezistente ndaj ujit VWR, Rezistenca ndaj karburantit të naftës: FO, Rezistenca ndaj rrëshqitjes: SRC, Madhësia: 35 – 50 EU, Ngjyra e zezë, Garancioni Minimum 1 vit: Papërshkueshmëria nga uji, Qepje të vullkanizuara (salduara), Vullkanizimi i qepjes duhet të kalojë testin e presionit prej 1 bar për së paku 5 min.

Ambalazhimi: Këpucët duhet të jenë të paketuara në kuti në të cilën duhet të jenë deklarata e prodhuesit si dhe udhëzimet për mirëmbajtje. Në pjesën e përparme të kutisë të jetë e vendosur, • Emri i prodhuesit, • Lloji i prodhimit, • Madhësia e numrit,Prodhuesi duhet të jetë i certifikuar sipas EN ISO 9001:2015 (Sistemi i Menaxhimit të Cilësisë) dhe EN ISO 14001:2015,Këpucët duhet të prodhohen dhe testohen sipas EN ISO 20347:2012. Mostra obligative

Komisioni i vlerësimit konstaton se për këtë mostër nuk i përmbushë kërkesat sipas specifikacionit teknik sepse:

Sistemin e lidhësve nuk e kanë të avancuar sipas kërkesës (duhet të kenë sistem të avancuar të lidhësve), OE ka ofertuar lidhëse të thjeshta që është në kundërshtim me kërkesën, nuk janë për terrene të malore sipas kërkesës si dhe ambalazhimi i këpucëve nuk e përmbajnë deklarimet e prodhuesit si dhe udhëzimet për mirëmbajtje sipas kërkesës, Garancioni Minimum 1 vit, Papërshkueshmëria nga uji, Qepje të vullkanizuara (salduara), Vullkanizimi i qepjes duhet të kalojë testin e presionit prej 1 bar për së paku 5 min, komisioni konstaton se për aktivitetin e prokurimit Lot 1 OE është i pa përgjegjshëm

Lidhur me pretendimet ankimore është gjetur se parashtruesi parimisht nuk i ka kontestuar arsyet për eliminimin e ofertës së tij nga aktiviteti i prokurimit. Pretendimet ankimore janë parashtruar kundër tenderuesit të rekomanduar. Rrjedhimisht parashtruesi nuk është fare palë e interesuar në raport me tenderuesin e rekomanduar përderisa vet oferta e parashtruesit është eliminuar si e papërgjegjshme. Përmes nenit 4 par. 1 nënpar. 26 të LPP përcaktohet se *“Palë e interesuar - personi që mund të dëshmojë interes material nga rezultati i aktivitetit të prokurimit të zbatuar nga autoriteti kontraktues në raport me një kontratë të veçantë publike ose konkurs projektimi duke përfshirë cilindo person i cili ka qenë ose mund të jetë në rrezik të dëmtimit nga një shkelje e pretenduar”*. Sidoqoftë edhe pretendimet e parashtruesit sipas të cilave mostrat e tenderuesi të rekomanduar nuk janë në rregull, pas shqyrtimit të tyre është gjetur se pretendimet janë të pabazuara pasi që mostrat janë dorëzuar sipas ST/DT dhe si të tilla janë verifikuar nga komisioni vlerësues.

Në këtë mënyrë është gjetur se parashtruesi ka dorëzuar ofertë të papërgjegjshme për të cilën me të drejtë është eliminuar nga aktiviteti i prokurimit ndërsa të gjitha pretendimet e tij ankimore janë të pabazuara në tërësi.

Nga sa u tha më sipër është gjetur se parashtruesi nuk ka paraqitur argumente të qëndrueshme për të mbështetur pretendimet e tij. Prandaj kërkesa për rishqyrtim e parashtruesit është refuzuar si e pabazuar në tërësi.

Për pikën I dhe II të këtij vendimi është vendosur duke u bazuar në nenin 63 par. 63.1.1. nënparagrafin b) lidhur me nenin 62 par. 62.1. nënparagrafin d) të Rregullores nr. 001/2022 për Prokurimin Publik.

Për pikën III dhe IV të këtij vendimi është vendosur duke u bazuar në nenin 63 par. 63.2. të Rregullores nr. 001/2022 për Prokurimin Publik.

Bazuar në të thënat më sipër është vendosur si në dispozitiv të këtij aktvendimi.

Prishtinë, 30.06.2025



Udhëheqës i Sektorit të Prokurimit
Komuna e Prishtinës

Këshillë juridike:

Pala e pakënaqur me këtë vendim mund të paraqes ankesë pranë Organit Shqyrtues të Prokurimit brenda afatit prej dhjetë (10) ditëve pas pranimit të këtij vendimi.